

Set 27 Aug 1898

大清光緒廿四年

本館新開除禮拜外每日出報一
紙外埠閱報加寄費不取
本埠外埠均可函致本館取
閱如外埠閱報加寄費不取
也除日本英法德俄美各國
借工本從英法德俄美各國
紙印各器以待與英法德俄
刊活字及各式花邊等延有
西文排印工藝甚精所有中
印字大小機器均用精工刊

第五千零廿八號

申報

(號七第牌門口虱巴舊在設開館本)

印工緻絕倫並延有文士書
寫各體文字現由上海購到
各種書籍各項價甚相宜再
刊佈所有各項原稿其有再
本館所登來札原稿其有再
世道人心者附登否亦須無
礙於人而後始錄其有謾罵
成文以及支離費解者概不
登錄嗣後諸君來札尚祈
自諒更須寫真里而後敢
將原稿收回也本館謹白

戊戌七月十一日

英大一千八百九十八年八月十七號拜六 每張售錢五文 每月售銀一元 每日售錢五文

擬請暫緩科舉數年以全力督課學堂甄別仕宦議

士人束髮受書四子五經童而誦習及長而學為文章則又博覽史集各種以足根抵而潤枝葉大約自入
塾以至應試賢敏者亦須七八年遲鈍者或須十餘年酌其中以十年為率諺所謂十年窗下無人問是也
誦習之性少時為優泊夫弱冠以後雖以一目十行之才不免易於遺忘致虞挂漏也國册子之誦雖大雅
所唯而在中材以下多不能免其以一人之聰明有取古來之典籍無窮精益求精書無底儘有年臻老
耄而猶手不釋卷者非無故也今朝廷因循鄰邦見備急欲得人材以為禦侮之需安鑒制藝之空疎而改
試以時務策論且不及待下科鄉會試而一律從速改行既由部議定章又允疆臣所請為先博後約隨場
去取之法以中外史事掌故藝學專門為途徑而仍以聖賢經籍為歸宿其法誠善願竊有慮焉中土士人
向來學業於應試工夫外能深通史學者十中之一二能熟諳國朝政事者百中之一二更能旁及五洲
各國政事各種專門藝學者不過十中之一二雖在沿海長江通商口岸相近省分風氣畧已轉移或者人
材不止此數而合邊僻各省以計之實不逾乎此數今欲廣為造就其道何由或者曰子不見夫連次論
旨飭令各省府州縣設立學堂仿京師大學堂章程教育人材乎學堂既立則風氣大同即學堂以外之
士子亦必舍舊圖新儲材待試子何慮焉不知學堂之設立非指日可期也書籍儀器之置備教習之延請
均非易事也即按章程所載功課卒業領憑以次遞升由茲通籍非十年之久不辦此固積漸之事而非苟
且之為於科舉外亦變通而非於科舉中參消息也若由目前以計下科鄉試為時不過二年至各省學政
科試生童亦即一例改試是欲以十年之期之巨暮也烏乎可執筆人前者曾論考試改革宜以慎選試
官為要務矣近聞浙學陳侍郎竟以改試策論閱卷頗難等語入告可知諸公衮衮猶有自知之明及閱報
記鄂督湘撫張陳二公原奏云或曰主司罕通新學將如之何不知應試則難試官則易近來上海譯論中
外政學藝學之書不下數十種切實者當亦不少閩中例准調書據書考校似不足以窘考官執筆人讀此
乃不禁恍然作石勒語曰賴有此耳特是試官固易於應試者可據新譯書為金科玉律而應試者則難於
試官不能奉此等書以干懷挾之禁將奈何且各省識時務之通材亦或久困於場屋今其著譯各書為業
關中繩墨而其人仍如錐處囊中與一無所知者同應考試得無如准陰蓋伍噲輩乎原奏又有云變法之
初兼習未久其研求時務者豈能遽造深通是宜於甄錄之時稍寬其格以示優容賢賢之意兩科以後通
材碩學自必彙然可觀且登科入仕者漸多則京外考官房官自不可勝用矣諺此明以兩科之前為荷且
敷衍誠使此輩得以俸列科第將實學之謂何且與學堂章程兩歧其得科第難易判若霄壤人亦詎肯舍
科舉之捷徑而就學堂之紆途況乎兩科以後應試者或有通材碩學而其時登科入仕者即係兩科中所
取苟且敷衍之人又何足勝考官之任乎蒙意與其期真材於兩科之後而輾轉相沿弊卒與八股無異曷
若暫停考試二三科而令中外大臣一心以全力整飭學堂各府廳州縣舉貢生童皆入肄業倘官建學
堂有所不容准令廣設家塾照章分學及期學成一體由官學堂教習考察給憑如是行之十年家絃戶誦
其由學堂得進士舉人者足勝主考官學政之任然後仍設各省學政舉行歲科生童試踵以鄉會試如
是則科舉與學堂可相與有成並行不悖抑又思之朝廷試士原欲求賢才以任官職也今天下候補候
選之員逾於實缺者奚止數十倍正途異路既分門戶守舊維新又別黨類其中可用之材正復不特患
白黑混淆薰蕕雜處即令改試所得亦未必如漢武用人後來居上自來選舉與考察相為表裏選舉不公
則人材無以得考察不明則吏治無以興今朝廷既慎選舉以作養未仕之人尤當精考察以甄別已仕
之人况乎已仕之人其於國計民生所關更非淺鮮宜於察典典之外就各省吏治局畧仿學堂例聘
候補候選人員就專門學自認一門限以歲時俟有造就而并試以通學學成者擢用否則立予罷斥其
實缺官則就吏治優劣分別黜陟務令內外文武大小諸員顧名思義各供乃職以試士之法試官而後官
方可以澄叙即仕宦皆知幹濟即與他日進用新科人員亦必臭味相同無虞扞格否則新進未及驟用而
仕途中舊弊日以益深恐於天下大局卒難挽回補救事關改制不厭詳求敢布區區以附土壤細流之末
論言恭錄 ○六月十六日奉 諭旨着翰林院詹事府都察院各於值日之日由該堂官輪派講



讀編檢八員中贊二員科道四員隨同到班聽候召見其是日未經召見之員著於下次值日再行到班仍按照各衙門派定員數呈遞牌欽此○十七日奉 旨本日徐瑛奏前在廣東學政任內保薦南海生員區金鏞通曉電學經譚鍾麟於廿一年考驗給咨赴京已隔數年尙未見到等語着譚鍾麟迅即飭傳該生酌帶電機來京交總理衙門察看具奏欽此○同日奉 硃筆馬金鏞補授戶科掌印給事中欽此○二十五日內閣抄奉 上諭湖南鹽法長寶道員缺著滿多布補授欽此○二十七日奉 上諭安徽按察使着聯元補授沈安聖著調補廣東惠潮嘉道山東兗沂曹濟道著彭虞孫補授欽此○同日奉 上諭本日御史明桂呈遞封奏摺內銜名所書旅字係屬何字著明白回奏欽此

總署奏請剛果國訂立條約摺 ○奏爲剛果國特遣使臣訂立專條恭摺仰祈 聖鑒事茲有剛果國使臣余式爾於本年四月三十日來京奉有本國國君文憑商辦約章臣等於五月初四十六等日照章接待並據該使臣面遞國書一件條約節略一紙臣等查剛果國雖爲比利時兼轄之邦然係自立一國在阿非利加洲之南中國自與各國通商以來風氣大開到處皆有華民前往今該國既遣使來華訂約正可藉此多開一華民謀生之路似應准其訂約惟不必照歐美各國之繁冗因與訂簡明專款二條以示體恤而昭友睦茲將所訂專條照錄恭呈御覽如蒙 俞允即請 簡派專員與之畫押換約該使臣面遞譯漢文國書一件並鈔呈 覽所有剛果國訂約緣由理合恭摺具奏伏乞 皇上聖鑒訓示謹 奏光緒二十四年五月十九日具奏奉 硃批依議欽此 謹將剛果國使臣余式爾面遞立約節畧恭呈 御覽 中國與剛果國專章大清國與大剛果自主國和好通商之約擬照所奉合式之權現將專款彼此議訂速即施行 一中國與各國所立約內凡載身家財產與審案之權其如何待遇各國者今亦方施諸剛果自主之國 二議定中國民待最優國之人可隨意遷往剛果自主之國境內僑寓居住凡一切動者靜者之財產皆可購買執業並能更易業主至行船經商工藝各事其待華民與民人相同現各大臣先爲親筆畫押蓋用關防以昭信守

謹按剛果國即本報所錄之貢俄乃非洲自主之邦近爲比利時所遙制者本報於前月間曾錄近聞數次言比國已請於我政府言願撥貢俄黑兵萬人報效 中朝即募華人萬名前往其地各情想即係指此事今據總署奏摺并未有及此節是豈密商之件不便形諸奏牘耶抑爲外間傳聞之誤耶 本館附誌

西印度電音 ○本坡實得力太晤士西報接初九日英京來電云英屬西印度各外府於前者英廷所允救助之款其意尙多未足故惹馬加境之人今已紛紛預備詢謀於眾欲求英廷將此一地轉而屬於美國云按此等舉動實屬罕聞但不知英廷於此究將作何裁處耳

急境電音 ○本坡實得力太晤士西報接初九日英京來電云急打羽因公舉議員之事而施法律已受舉爲那馬利蘭之議員當其公舉之時舉者甚多而拒者尙寥寥無幾云

俄國電音 ○本坡實得力太晤士西報接初九日英京來電云俄國本年五穀失收今據眾料今冬禾造諒不免少有兇歉之虞也

紛紛逐利 ○香港來信云現在美班議和而小呂宋一地屬於美國故日來多有輪船由港啟行赴宋諸船多載牲口糧食等蓋以宋地久遭兵困食物多缺故特載運此物前往以擅銷場也

東瀛要錄 ○東瀛來信云日廷之意則飛獵邊羣島務須歸於美韓方爲妥洽因美國若於亞洲據得一地則東方大局遂可無虞云云觀日廷之意竟與英國無殊此中之由可以想而見矣

快船東渡 ○頃接歐洲來信云中國前在德國實知珍廠所製之海琛快船現復告竣即當啓行東渡諒不日即能行抵叻中矣用特預報以聞

飛電修復 ○由叻以達怡勞怡勞及飛獵邊羣島之電線前經截斷茲悉此線業經修復凡各地之往來信息可以通傳矣

制府赴隆 ○頃得督轅信息云瑞制府定於本日下午乘坐薩寶輪船前往掛勝南暴一行至十四日即能言旋叻地聞制府此行係緣吉隆參政新署告成故特請其前往以行闢門之禮也

國幣施行 ○前者本坡國家會議刊發銀紙一事茲閱憲報謂此令着於西本月三十一號即華本月十五日作爲施行之始但其銀紙猶未經製就想其寄到叻中尙需時日今不過先定其施行之日俟至銀紙到後即可以隨時發用又聞此等銀紙係押用西本年九月一號之日云

停公示禮 ○西本月三十一號即華本月拾五日爲荷主加冠吉期本坡瑞制府業經核定實得力各衙署均於是日停公一天以示敬禮云云

死册譯登 ○頃閱册報稱前禮拜內叻地居民死者共一百七十九人內計華人一百零九名婦女二十四口云云

保護教人 ○重慶美國聖經會來信云近有該會售書者三人帶同僕人等前往夔州行經某鎮鎮上人竟將售書人痛打一場頭破血流傷勢甚重餘者見勢不佳立即奔回重慶會長樂騰君聞之即往面見英美領事領事即以此告之道憲次日樂騰君並道轅衙役齊赴該擾事處當即將首犯二人訪出而該二人係本處殷富農人賄通衙役遂得逍遙事外樂騰君復連日請領事出爲追究其受傷者已帶回重慶

醫治惟重慶府一帶會中人之往彼處者尙復不少樂購君心甚憂之擬於下期搭輪前往該處保護業經英領事允准其餘英人除往山上遊
暑外餘皆一律不准往遊云

古蹟仍留 ○香港來信云港地定例局於二十八日下午開門聚會是日議及管理九龍地方事宜局紳何啓請留存宋皇臺遺蹟勿
便遽行湮沒其大致謂該地名宋皇臺又名宋皇墳自宋帝昺蒙塵至此載在中國史冊相傳六百餘年本港前義學監督歐德理君所著香港
輿地記亦曾詳紀其事該處又有石碑誌其顛末後人登臨流覽自可知勝由來請將是處加工圈築爲異日公眾遊玩之地庶可相承弗替云
云工務司及局紳維嶽君皆謂何君所見甚是即依所議施行

書說進呈 ○孫愛臣協揆奏請將故臣馮桂芬所著校邨廬抗議一書交各部院悉心檢閱分可行不可行之處各抒所見以備采擇
一節已志前報茲悉此書已由直督榮中堂在津廣仁堂刷印千部派員於六月初七日解送到京呈交軍機處轉爲頒發各衙門流覽限十日
咨送軍機處彙齊呈進以備 聖鑒查此書共二本計四十七條多主變法不獨議論沈著痛快實亦切中時弊之要書也

南督薦賢 ○京友來函日前北洋大臣榮中堂奏保滿漢大員其學問才猷足備國家棟梁之任者數人其中有奉天將軍伊堯帥工
部侍郎許竹質湖南巡撫陳右帥三人此外不得而知以人事君之義中堂有焉

奏保使才 ○京友來函云去月初翰林院侍讀黃紹箕編修張亨嘉庶吉士壽富均先後蒙 皇上召對有知其事者謂均係浙江巡
撫廖穀似中丞所保薦出使人才聞已奉 旨交總理衙門記名列入使單矣

葡王武藝 ○聞葡葡牙王武藝極佳并善擲酒之術凡遇險阻艱難之事衆人畏懼不敢向前者王獨奮不顧身國人皆服其有過人
之膽氣如數年前駕車出遊郊外遠望有一頑民身材雄偉勢甚兇猛追逐衆人衆趨避之王命御者策馬快奔少頃追至王一躍下車舉杖擊
之遂就獲搜其身有利刃一柄隨將其人與刃送官究治王又在海上閱操柳舟中有水手失足墜水適值暴風顛簸波浪掀天各水手無法可
施葡王自行躍下援登彼岸此外復有所行各事率皆驚心動魄入險出險計其保全兵民不少故國人既稱其勇而尤戴其德也

粵西近耗 ○去月北流失陷縣令金佐基暨典史陳德等同時殉難前經迭紀報章茲悉調往剿匪之官兵於克復該縣城後拿獲土
匪多名皆以軍法從事內有匪目駱亞水區亞六乃手刃金縣令及陳典史之犯當提訊時已據該兩犯自行供認遂設立金縣兩故員牌位將
兩賊葬於靈前生斬以祭各官紳之到場甲奠者大不乏人忠魂有知當必含笑九泉矣又聞兩粵官軍自去月中克復數縣城池擊穴擒渠奏
功迅速惟匪黨竄散各路未能一律躡平去月廿四晚有土匪千餘竄至貴縣所屬之大潢江肆行搶劫該處兵勇素少不能抵禦各舖戶商民
祇得聽其飽掠無敢抗拒隨由地方官電致梧州告急請即派兵援剿適梧地所存營勇無多一時頗難調遣該處商民聞之愈爲疑慮東省會
館董事又復發電至梧州極言匪勢之盛求轉達東省大憲迅速派兵赴援查大潢江上接潯州下達平南藤縣素爲貿易繁盛之區所出穀米爲
數甚鉅若該處道途被匪梗塞則梧州與左右兩江往來消息亦多窒礙惟曠大兵迅集庶可息此妖氛耳又聞六月十六晚潯州所屬之平遠
墟亦被土匪竄擾其附近之范村等鄉悉遭搶掠被匪傷斃者十餘人墟中舖戶二百餘間無一瓦全者惟各匪既得資財隨即逃散以致該處
附近咸有風聲鶴唳之驚昨有賓州團練局及開建縣令呈稟省憲以其所屬之地與粵西接壤請給護照俾得購辦軍火以資守禦均經大憲
批示准其所請是亦防患未然之至計也

鑄禁宜知 ○本坡國家前經出示禁用實勝越有孔之鑄惟奈民間頗難遵從因來往鑄多有不易於查檢故也初十日巡理府提訊
行用此等禁鑄之案被控者計有閩潮之人七名另吉甯人峇葛一名先是本坡暗差奉其總差之命取銀八元往各處找換錢鑄而回拆而視
之則皆攪有實勝越之鑄在內每元約一二占不等惟峇葛之鑄內則竟攪有九占之數爰將諸人控於府案是日府尊訊畢判閩潮被告各罰
銀二元五角峇葛之雜鑄較多特判罰銀五元示儆

大馬路劫案 ○潮人鄭亞俊於初十早到暗牌差館報稱向在小坡大馬路福音館前開設新合順雜貨店爲生是早四點鐘時天猶
未明忽聞擲門之聲甚急詢問爲誰則以買物對余以爲時太早不便啟門却之詎諸人扣門益急不得已啟門放入詎有三人入門之後即以
一人猝出椒末抹余之目復以一人用破褲籠余之首因將店中貨物恣其搜括余急呼救樓居諸人聞聲趨下三匪始逃計失貨物值銀二十
餘元云云夫地在大馬路乃人衆來往通衢而匪徒亦敢縱肆如斯海可謂猖狂極矣

惡匪傷差 ○初十早三點鐘時丹戎隅有巡差見有二人共荷一篋而過因欲上前查問詎忽被一人猝出木棒擊之該差痛極而昏
迨至甦時則匪已不知所往即該差之帽及其佩刀亦經失去今此案尙未獲有匪徒也

臬署堂期 ○本月二十一日乃西九月六號係本坡臬署本年第五屆開堂決獄之期本屆由巡理府解到之案以現在而計不過僅
得十四起之多中有命案一宗此後尙有續詳之案與否屆期當再錄報

府堂紀案 ○初十日巡理府提訊潮人張涼快控其同籍人周丁炎周培仔周東意周亞金四人行兇之案據稱去月初六夜在丕砂
街被周等四人執而毆打并將辮髮扯脫云云是日府尊訊畢判罰丁炎培仔銀各廿五元無銀改禁四十二日餘二人無干省釋○同日復訊

街被周等四人執而毆打并將辮髮扯脫云云是日府尊訊畢判罰丁炎培仔銀各廿五元無銀改禁四十二日餘二人無干省釋○同日復訊

強擄女子案一起據粵婦石亞悅供稱寓居牛車水巴那街第廿一號門牌本月初九夜十一點鐘時有粵人許亞貴等六名至吾家中將吾女葉細妹誘下樓呼一手車同乘而去迨行至小坡鐵巴虱差館前之處吾女呼救乃被暗差將與女同車之許亞貴一人截獲餘五人已被走脫又言伊女現年廿二歲云云府尊訊畢命展至十七日再訊○初九日有巡差在小坡正興街查獲潮人蔡寶周一名云係盜竊胡椒二包值銀廿四元嗣乃查知失主係甲橋頭萬利豐號因即通知其到案主控同日府尊提訊畢判將蔡監禁九個月以示懲儆○昨報甘公麻六甲港三板竊米一案茲再查確三板內之三匪已為暗差截獲二人一名陳福司一名王市皆為閩籍同日府尊提訊即由大船舟子潮人江得利到案指控所供與昨報畧同府尊訊畢亦命展至十七日再訊○閩人侯泉控告同居籍人張居以及陳元於案據稱向以雜頭為業住居打石街第廿四號門牌屋內歷年積貯有銀七十八元及錦三元藏於衣箱之內初八日挑擔出門趕市詎至下午回寓則箱已被人撬破其中銀物業已一空嗣查知係被告所竊云云同日府尊提訊畢以原告証據未甚顯然命將被告開釋

覓稅船隻 ○啟者敝號欲承租荷蘭所火船仰帆船一隻惟須堪載四十車至八十車者方為合用 諸君若有此船合意欲出賃者或要出售請移 玉至吉靈街向順和泰號詢問便得此佈 光緒二十四年七月初一日 吧城小南門邱昌隆號內邱春昌告白

大荷蘭總領事示 ○大荷蘭國駐叻總領事府爾威 為招投餉碼事照得蘇門答臘轄下之望加麗地方有酒碼碼項及蠟碼等欲招人投充此碼乃承充一千八百九十九年一載為期又賭碼豬肉碼及當碼係承辦一千八百九十九年一千九百年及一千九百零一年三示為期以上各碼均定於西本年實添末月十七號即華八月初二日禮拜六在望加麗出投凡諸商民人等有欲承充者其如期前往投可也 特載 大英一千八百九十八年八月二十號 一 二 示

大荷蘭總領事示 ○大荷蘭國駐叻總領事府爾威 為招投餉碼事照得麥內及其轄下各地之烟酒餉碼欲招商人投充此碼係承充一千八百九十九年一載之期或承至一千九百年及一千九百零一年三載之期均無不可此碼係定於西本年實添末月廿二號即華八月初七日禮拜四在麥內之丹戎檳榔出投有志承充者其如期前往投充可也特諭知 大英一千八百九十八年八月十五號 一 二 示

大荷蘭總領事示 ○大荷蘭國駐叻總領事府爾威 為通知事照得西本年爪亞國家有羔丕九萬九千二百二十八担欲為拍賣如欲知其拍賣之期及一切詳細情形者可至本總領事署內詢問便得特此諭知 大英一千八百九十八年八月六號 一 一 示

大荷蘭總領事示 ○大荷蘭國駐叻總領事府爾威 為招投豬碼事照得本國家欲招人投充蘇門答臘東境一帶之豬碼而望加麗及打棉香分縣所屬之地不在此內所承之碼係一千八百九十九年一載之期或兼承一千八百九十九年一千九百零一年三載之期均無不可此碼係定於西本年實添末月十號即華七月廿五日禮拜六在日裡之棉蘭出投有志承辦者其如期前往當眾投充可也特此諭知 大英一千八百九十八年八月六號 一 一 示

大荷蘭總領事示 ○大荷蘭國駐叻總領事府爾威 為招供水師伙食事照得本國家欲招人入票承充亞齊各水師兵軍伙食等件此碼係以三年為期由一千八百九十九年起至一千九百零一年止所入之票當送交亞齊之高打刺惹以憑選擇其入票之期係於高瀾力巴吉末公司之輪船於實添末月十號由加勝巴起程路過蘇門答臘西境一帶除停公日外以抵港之翌日上午九點鐘以前送交至於承充此事之章程現存本總領事署內可以前來查看其餘一切詳細情形可閱爪亞加蘭報於一千八百九十八年裕來月廿六號所出第五十九號之報及其後數日之報內所登之告白便能知悉特此諭知 大英一千八百九十八年八月六號 一 一 示

大荷蘭國總領事示 ○大荷蘭國駐叻總領事府爾威 為招投餉碼事照得本國家欲將坤甸及其四面各分縣即蠻巴 華蘭務 打然 土雅加鴉及蘇加打拿又 洪瀾等處之餉碼出投 一 賭碼 二 酒碼 三 屠猪及宰猪肉碼 四 當碼 五 抽收金礦礦稅碼 及洗金洗隨之碼 以上各碼係承充西一千八百九十九年一載之期或兼承至一千九百年及一千九百零一年三載之期而此各碼均定於西本年實添末月五號即華七月二十日禮拜一早晨九點鐘在坤甸禮時珍署內出投其餘一切詳細情形可到本署詢問便能知悉各宜踴躍切切特示 大英一千八百九十八年六月十一號 一 一 示

大荷蘭國總領事示 ○大荷蘭國駐叻總領事府爾威 為招投餉碼事照得望加麗及典當餉碼現已定於西本年實添末月九號及十號在汶島出投此碼係承充一千八百九十九年一載之期或兼辦至一千九百年及一千九百零一年三載之期均無不可特此諭知 特示 大英一千八百九十八年五月二十號 一 一 示

吊橋頭米郊公啓
 昨閱天南新報六月二十九日所載廈門平糶局米回叻一節據實辯明評論允洽最足感善心懲創逸志廻
 環莊誦令人可敬可恨敬者何敬各善士之慷慨樂輸故能成此平糶之美舉也恨者何恨配米石者之暗價減重既失我建邦之體面復負
 各善士之美意也幸事機敗露向早復得天南報昌言補救或可收後來之效否則大局一壞必至於莫可收拾而後已惟天南報未設有牽
 涉吊橋頭米郊之作弊而不指明其舖號則各埠及廈門內地之購閱天南報者人將疑我吊橋頭諸米商之放利而行不顧大局具有關碍我
 米商之聲名實非淺鮮是以不避嫌怨據實訴明並請照為刊錄報章俾得各埠有攸歸毋使吊橋頭諸米商蒙此不白之冤也蓋駐叻捐辦廈門
 平糶局諸董自開辦以來概由源成順號裝配該號原任整枋路頭其與我吊橋頭相距甚遠無干涉者一况董事所辦平糶之米並未向
 吊橋頭諸郊戶購採是以與我吊橋頭之米並不相雜無干涉者二至源成順現雖開張在吊橋頭乃係六月廿六日破案之後始由整枋路頭
 遷徙而來是與我吊橋頭尚未聯絡無干涉者三今天南報不書其名而徒以吊橋頭三字混之不亦大失我吊橋頭諸米商之體面耶况源成
 順所配之米或仰光庄或半港庄皆由其自相來雜自行配寄並非上手原包當二十六日在豐源號內公同察驗之時昭昭在人耳目詎得牽
 累他人耶總之是是非非之曲直自有公正廉明之大董秉公核辦毋俟豐千饒舌也伏願該報以後有提及此事者幸勿再以吊橋頭三
 字一概抹煞則受惠多矣錄此呈覽多登報為感
 大清光緒二十四年七月初十日
 吊橋頭眾米商公啓

失印聲明
 啟者小坡路蘇班樓第二百廿二號門牌成利號向來與各寶號往來交易惟藉印據以為憑茲因本月初八日其印忽
 然遺失竟不知落於何方其印實明成利圖章款式爰特佈告聲明倘此後有人用此印向各寶號取貨項者幸勿誤交此印即為廢物特
 此聲明
 光緒二十四年七月初十日
 小坡成利號謹啓

火船出投
 啟者茲定於西實添末月十五號即華本月三十日禮拜四上午二點鐘在本館內拍賣火船二起 其一火船一隻名
 曰新萬裕其船長有二百零五英尺闊二十七英尺八寸因脂深十五英尺五寸因脂坑載九千五百担此船現在常川往來閩浙嗎辰實叻等處
 其二火船一隻名曰新北加且長一百五十二英尺闊二十三英尺深十二英尺堪載七千五百担該船現亦常川往來閩浙嗎辰實叻等處
 諸君有欲知其詳細可檢閱英字拍賣章程便得特此佈聞
 大清光緒二十四年七月初拾日
 大英一千八百九拾八年八月廿六號
 巴越館主告白

承頂聲明
 啟者小坡白沙浦內第一號門牌財利酒店原係葉東菊開創茲因葉東菊志要別圖願將財利號酒牌店底家私什物
 一概頂與義茂號承受業經估計明白其所有應得賠承銀項約期于本月十二日交貨倘外間 諸寶號有與財利號往來借揭各等項務須
 依此限期之內到敝理會倘逾期不來乃係自誤此後義茂號生理盈虧不干財利葉東菊之事特此聲明
 大清光緒二十四年七月初八日
 承頂人小坡義茂號謹啓

- 捐賑粵災緣款照錄**
 茲將天字第九號緣部金寶務邊兩埠陳文華翁經手勸賑粵災緣款錄登如左
- | | | | | | |
|----------|------------------|----------|----------|----------|-----------|
| 鴻祥號捐銀五十元 | 萬美隆捐銀三十元 | 東盛號捐銀三十元 | 瑞益碼捐銀二十元 | 泰和碼捐銀二十元 | 生和號捐洋銀二百元 |
| 鍾廣利棧捐銀廿元 | 公和號捐銀二十元 | 東利號捐銀二十元 | 福昌號捐銀二十元 | 廣來棧捐銀十五元 | 利生碼捐洋銀二十元 |
| 乾泰號捐銀十五元 | 仁德號捐銀十五元 | 公源號捐銀十五元 | 萬祥號捐銀十五元 | 泰來號捐銀十五元 | 致祥號捐洋銀十五元 |
| 天生號捐銀十五元 | 慎祥號捐銀一十元 | 萬和利捐銀一十元 | 泰棧號捐銀一十元 | 梁劍翁捐銀一十元 | 燕芳樓捐洋銀十五元 |
| 公益號捐銀一十元 | 富香號捐銀一十元 | 榮利號捐銀一十元 | 成興號捐銀一十元 | 義豐號捐銀一十元 | 東發號捐洋銀一十元 |
| 協和號捐銀一十元 | 宏興棧捐銀一十元 | 寶源號捐銀一十元 | 陳昌記捐銀一十元 | 祥興號捐銀一十元 | 益壽堂捐洋銀一十元 |
| 仁生號捐廿元 | 蔡炳祥捐十元 | 寶昌富捐十元 | 有生號捐十元 | 廣來號捐十元 | 以上金寶埠 |
| 萬豐興碼五元 | 祐益號捐五元 | 和盛榮記五元 | 鍾廣利捐五元 | 廣祥號捐五元 | 崔用卿捐十元 |
| 宏興號捐三元 | 源珍號捐三元 | 文利號捐三元 | 萬美隆捐三元 | 岐生堂捐二元 | 同昌樓捐三元 |
| 吉祥號捐二元 | 何德元捐二元 | 坤隆號捐二元 | 宜隆號捐二元 | 和昌號捐二元 | 無名氏捐二元 |
| 無名氏捐一元 | 洪盛號捐一元 | 協隆號捐一元 | 廣豐號捐一元 | 人安堂捐一元 | 燕樂堂捐二元 |
| 海泉館捐中元 | 坤昌隆捐中元 | 以上務邊埠 | 廣豐號捐一元 | 人安堂捐一元 | 梁氏題捐一元 |
| 以上務邊埠 | 以上兩埠計七十八名共銀九百零八元 | | | | 公和號捐一元 |
| | | | | | 益隆號捐一元 |

藥店召頂
 啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻
 報館面詢便得
 光緒二十四年七月初三日
 叻報館代啓


同濟醫院謹啟

馳名鐵櫥發售

嘗思營生之道所最要者則惟數簿其次則惟銀兩然必須有以善藏始無意外此本行鐵櫥所以為 諸翁之所共賞也啟者本行所賣之鐵櫥久已馳名於東方一帶而於叻坡則聲名尤著至本行購賣此等鐵櫥已有三十年之久其製甚為堅固保能避火且其鑰匙甚妙斷非盜賊等所能開計其 全身均用鐵製成並無雜以木料且諸櫥自前至今均為一式堅固耐無



有優劣之分至於各櫥大小不一而價值則約一百元至四百元凡用之者可保其不礙焚燒即火災亦無所損本行之鐵櫥實為叻坡諸華商



所喜購而本行每年所沽亦殊不鮮茲特為之錄佈倘 諸翁有惠顧者祈即玉臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

烏密酒發賣



啟者本行向由英國督辦各法美酒來叻發售久已遐邇馳名茲復由英新辦到頭爾士斗雲字號之狗頭票烏密酒到叻應防此酒香美異常不惟飲之可口且能保養精神調和血氣常飲令人不生疾病誠酒國中上品也 諸君光顧應認看以上所列之狗頭標庶不致誤且價甚相宜倘 諸君有欲酷飲者請至本行取用可也此佈 大英一千八百九十八年正月一號 光緒廿三年十二月十八日 明嗎也洋行謹啟

頂上蜂窠標萬蘭池酒發客




啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佳饌中妙品也至此酒惟本公司一家沽出餘無別家出售 諸君光顧請認蜂窠標頭為記並認辨香味方不致誤價甚相宜倘有劉伶之癖者祈早至惠臨購買是幸 大英一千八百九十八年正月一號 大清光緒廿三年十二月十八日 明嗎也洋行謹啟

蜜酒發賣



啟者茲本行由歐洲辦到上等蜜酒來叻發售其酒甚佳茲將標頭印出 諸君光顧為認免致有誤近聞有無恥之徒假冒本行鎖匙標飲希圖目魚其珠最堪痛恨今本行再行核定於酒樽木柄內加鐵烙鎖匙形以示分別倘 諸君有知何人假冒請到本行報明即酬花紅銀二百大元經官訊定即能發斷不食言再此酒不能販往 加勝巴 三寶龍 泗里末 望加錫 檳榔嶼 日裡等處其他埠均能運往特此佈聞 大英一千八百九十八年正月一號 光緒二十三年十二月十八日 明嗎也洋行謹啟

明嗎也洋行謹啟



啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠殊情殊可恨嗣後 諸君購買本行白頭三品酒者請認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認端此佈告 大英一千八百九十八年正月一號 明嗎也洋行謹啟

